

重修盧氏縣誌卷之十二

樓峯郭光澍霖三氏編次

祥異

洪範休咎之徵各以類從蓋陰陽相感而吉凶預告使有位者驗省防弭斯見天心之仁愛也漢世諸儒亦縷縷言之矣爲治者奉若天道又安在而可忽與誌祥異

周

春秋莊公三十二年神降於莘虢公使祝應宗區史囂享焉神賜之士田史囂曰虢其殆乎吾聞之國將興聽

盧氏縣誌

卷之十二

詳異

一

於民國將亡聽於神僖公五年晉滅虢

見左傳

明

嘉靖二十九年城隍廟灾廬舍俱燼修復三年始成

萬曆四十三年地震廬舍崩塌止存城隍關帝二廟四十六年大蝗

天啟六年黃霧四塞繼而雨雹民饑

崇禎五年桃李冬花九年飛蝗蔽天格澤夜見禾櫓生人賴存濟十年地生螟寸長黑色食禾盡十三年夏不雨七月霜父子相食餓莩徧野十六年臘月十七日雷

震地裂十七年正月朔大雪晝晦如夜

國朝

康熙八年城東五色雲見大有年二十二年東北瑠雲見三十六年洛水溢四十六年五月洛水溢五十二年文廟古栢棲雉五十三年教諭宅蓮花並蒂

雍正八年地震十年文廟正殿大梁生木靈芝三本是年登科者三五月二十七日雨雹如拳

乾隆七年八月十二日雨雹十二年正月十三日天鼓鳴

盧氏縣誌

卷之十二

詳異

一一

嘉慶十四年己巳高村麥一莖五六穗瑞不止於雙歧

秋大有年 十八年旱饑

道光六年大雨兼旬沙河水破城而入東門一帶址基

蕩然無存修築數月工始竣 十六年饑 二十六

年四月初四日沙河陟漲冲破城垣十餘丈時天旱

禱雨南門封閉水無路可出壞民廬舍無數人畜溺

死者甚多 二十七年大饑道殣相望

咸豐元年衙前村石鳴 三年龍頂村段氏祖塋木生

連理 五年秋飛蝗蔽天 六年七年蝻生

同治元年七月蝗 五年四月隕霜麥苗枯果實盡落
九年十一月有火光自東而南聲震林木 十一年
馮家灣村麥秀雙歧地約畝許

光緒二年旱 三年旱大饑父子相食死者不可勝計
八年六月初四日洛水大溢漂沒田廬人物無筭有
蜮 十年六月大風拔木 十三年八月初二日已
刻洛水上下百餘里渡口六處同時舟覆而俱未傷
人 十六年洛水溢

附事變

盧氏縣誌

卷之十二

詳異

三

明

萬曆四十八年靈邑張國安作亂盧民征勦擒獲渠寇
李宗善

天啟六年觀音山饑民作亂發兵征勦陣亡把總張翼
冲等三人

崇禎六年十二月初二日盧城初陷焚縣治倉庫七年
七月十三日總兵尤世威號臺禦寇苦戰陣亡鄉導把
總楊文緒等是年冬徐兵鼓噪知縣白楹安撫之八年
十二月二十八日盧城再陷屠焚一空十三年十一月

二十七日夜半山賊余少樓登城東南已陷半面鄉民胡應聘宋成功楊忠起五人奮勇爭先刺中賊首趕殺餘賊墜城外詰旦十字街祭神賞功賊造攻具圍猶未解是夜生員孫孕秀糾合鄉勇自火焰城突圍入援助官防守拒戰數日賊退解嚴十四年五月李自成張獻忠羅汝才二營巨寇集盧避暑盧城三陷火焰城拒守攻破屠之

國朝

順治五年十月初一日石朶山張天澤等謀叛襲盧城

盧氏縣誌

卷之十二

詳異

四

人覺禦之知縣劉瀾左背帶箭大兵征勦至甲午年始得平定

嘉慶二年三月楚匪齊二寡婦寇欒川 三年冬張漢

朝寇橫澗

咸豐七年五月刀匪崔狗娃寇欒川 十月楚匪蕭曠

等寇欒川三川

同治元年壬戌四月粵匪陷盧城盤踞三日始去 閏

八月初一日畹匪再陷盧城盤踞二十日 三年

甲子捻匪張宗禹二月十八日來三月十六日去欒

川殘破已極 三月粵匪寇朱陽關 八年九月陝
西亂兵逃竄由城南經過幸不爲災

光緒四年靈寶張尙義暗通教匪煽惑饑民事洩被擒